


PISA-2009



1. Mapa 1- PISA 2009an parte hartzen duten 65 herrialdeak

Kooperaziorako eta Hazkunde Ekonomikorako Erakundeko herrialdeak:

Alemania, Australia, Austria, Belgika, Kanada, Korea, Danimarka, Eslovakia, Espainia, Estatu Batuak, Finlandia, Frantzia, Grezia, Hungaria, Irlanda, Italia, Islandia, Japonia, Luxenburgo, Mexiko, Norvegia, Zeelanda Berria, Herbehereak, Polonia, Portugal, Erresuma Batua, Txekiar Errepublika, Suedia, Suitza, Turkia (herrialde hauek ilunduta ageri dira).

Parte hartzen duten herrialde elkartuak:

Albania, Argentina, Azerbaijan, Brasil, Bulgaria, Txile, Kolonbia, Kroazia, Dubai (UAE), Eslovenia, Estonia, Errusiar Federazioa, Txina- Hong Kong, Txina - Macau, Txina -Taipei, Txina - Shangai, Indonesia, Israel, Jordania, Kazakhstan, Kirgizistan, Letonia, Liechtenstein, Lituania, Montenegro, Qatar, Panama, Peru, Dominikar Errepublika, Moldaviako Errepublika, Errumania, Serbia, Singapur, Tailandia, Trinidad eta Tobago, Tunisia, Uruguay (tonu ertainean).

Zer da PISA?

PISA Ikasleen Nazioarteko Ebaluaziorako Programaren ingelesezko siglak dira (*Programme for International Student Assessment*). Nazioarteko azterketa da, eta aztertzen du 15 urteko ikasleek erdietsitako maila garapen pertsonal, laboral eta sozialerako funtsezkoak diren gaitasunetan: hain zuzen ere, irakurriaren ulermenean, gaitasun matematikoan eta gaitasun zientifikoan.

Egitasmo honek ikasleek eguneroko bizitzan moldatzeko dituzten ezagutzak, trebetasunak eta jarrerak ebaluatzen ditu, eta ikastetxean ikasten denaren eta bizitzan zehar ikasten denaren arteko konexioaz arduratzen da.

Gai dira ikasleak eskolan ikasi dutenarekin gaurko gizartean eta etorkizunekoan moldatzeko? Gai izanen dira egoera pertsonal eta sozialen aurrean modu aktiboan esku hartzeko?

Galdera hauei erantzuten die PISAk. Gainera, herrialdeen erkidegoen arteko emaitzak erkatzen ditu, hezkuntza hobetzeko xedearekin.

Zenbat urtetan behin egiten da PISA?

PISA hiru urtean behin aplikatzen da. Aplikazio bakoitzean aipaturiko hiru gaitasunak aztertzen dira, baina horietako bat sakonago aztertzen da. Lehenbiziko PISA azterketan, 2000 urtean egindakoa, gaitasun nagusia irakurriaren ulermena izan zen. 2003 urteko PISA gaitasun nagusia matematikoa izan zen, eta 2006.ean, zientzia. Orain, 2009.eko PISAk berriz ere aztertuko du irakurmena.

Nork hartzen du parte PISA-n?

PISA azterketa Kooperazio eta Hazkunde Ekonomikorako Erakundearen kide diren herrialdeek lankidetzan antolatzen eta zuzentzen dute. Elkartuak diren herrialdeak ere gero eta gehiago dira. Osotara, herrialde parte hartzaileak 32 izan ziren 2000.ean, 41 2003an, 57 2006an eta 65 2009an (ikus 1. mapa).

Zeinahi herrialdek hartzen ahal du parte, eta herrialde baten baitan, zeinahi erregio edo autonomia erkidegok.

Nafarroak parte hartzen du

Nafarroak parte hartzen du PISA azterketan bere laginarekin, 2006tik aurrera. 2003.ean 3 autonomia erkidegok hartu zuten parte (Gaztela eta León-ek, Kataluniak eta Euskadik). 2006an beste zazpi sartu ziren (Andaluzia, Aragoi, Asturias, Kantabria, Galizia, Errioxa eta Nafarroa). 2009an, beste lau sartu ziren (Balear Uharteak, Kanariak, Murtzia eta Madril).

Ezin dute parte hartu Nafarroako ikastetxe guztiek, lagin batek soilik. Ezaugarri guztietako 51 ikastetxe hautatu dira: publikoak, itunduak, G/A eta D ereduetaoak, handiak, ertainak eta txikiak.

Ikastetxe bakoitzean ausaz hautatuko dira 35 ikasle, 1993. urtean sorturikoak. Batzuk DBHko 4.ekoak izanen dira, beste batzuk 3.ekoak eta azken batzuk 2.ekoak. Denak ere garrantzitsuak ebaluazio honetarako.

Nola hartzen da parte PISAn?

Hagitx erraza da. Ikasle bakoitzak koaderno batean 45 galderari erantzunen die. Batzuetan erantzuna hautatu behar da eta beste batzuetan nor bere arrazoibidea egin dezake.

Galderak ikasgelan egin ohi direnak ez bezalakoak dira. 15 urteko neska-mutikoek eguneroko bizitzan aurki ditzaketen egoeretan kokatzen dira, kasu, behar bezala hautatzea ikasketa bidaia, prentsako informazio bat ulertzea, txertatze kanpaina balioestea, artikulua baten deskontua interpretatzea... entretenigarriak dira eta gainera ikasle guztiak dira gai neurri batean edo bestean horiek ebatzeko.

Ikasle bakoitzari galdetegi bat betetzeko eskatuko zaio, eta bertan, galdetuko zaio zeintzuk diren ikasteko orduan dituen motibazioak eta interesak, zein ideia edo pertzepzio duen bere buruarekiko ikasle den aldetik, ikasteko zein sistema doakion ongien, zein iritzi duen irakasgaien gainean eta ikastetxearen gainean.

Probak egiteko denbora bi ordukoa izanen da, tartean atsedenaldira labur bat dagoelarik.

Ikastetxean PISA galderen adibideak eman ditzakete, baita interneteko helbideak ere, informazio gehiago eskuratzeko.

Ikasleek badute zer esanik?

Bai, eta ez gutxi!

Munduan 15 urteko 500.000 gaztek baino gehiagok eginen dituzte probak eta esanen digute zer dakiten egiten eta zeintzuk diren hezkuntzaren gainean dituzten iritzia.

Zuk eta zure ikaskideek eginen duzuen zehatz-mehatz aztertuko da, eta horrela jakinen dugu Nafarroan zer doan ongi eta zer hobetu beharko litzatekeen.

Hautatua baldin bazara, eskatzen dizugu ahalik eta interesik handienarekin parte hartzeko, eta erakusteko zenbat dakizun.

Mila esker zure laguntzagatik.

Autonomia erkidegoen parte hartzea



PISA 2009an lagina handitu duten autonomia erkidegoak:

Andaluzia, Aragoi, Asturias, Balear Uharteak, Kanariak, Kantabria, Gaztela eta León, Katalunia, Galizia, Errioxa, Madril, Murtzia, Nafarroa eta Euskadi.

PISA 2009an lagina handitu duten hiri autonomoak: *Ceuta eta Melilla*